

臺氏縣志

庚子冬日
北平葉世勳
題識

重修盧氏縣誌卷之八

樓峯郭光澍霖三氏編次

人物

天地鍾英山川毓美地靈人傑何處蔑有盧雖僻在
隅然山高水清望之蔚然奇秀乃郡邑之奧區也且古
來禹跡所經耕莘所在而傳道燕居師弟亦留遺跡聖
澤浸潤之鄉宜乎賢人傑士歷世輩出或以才顯或以
文名或以德彰或以功著悉有不可沒者書之於篇不
特為邦家之慶且以為簡冊之光矣誌人物

盧氏縣誌

卷之八

人物

一

人物

儒林文苑忠節孝行與夫出有為處有守此
人物之大凡也各傳載藝文者事實已見本
傳茲但標其姓氏餘則哀錄大要各綴姓氏
之下考覽所歸位置斯得無庸以名目區分

唐

王 憑博洽善文辭兄弟齊名號二王韓文公推重之

梁文貞以孝友著稱

見史記

明

任 佐字廷輔恩賜進士性端方正直里有關侯最靈

顯佐童年讀書廟中時時祝侯前以忠義自矢生平

不作一非理事故終身屢蒙侯庇景泰庚午科佐應
秋試棘闈火焰燭天勢若燎原佐愴惶驚愕不知
所出恍惚見侯掖已擲牆外得不死應科士盡被焚
生者僅七人事聞上異之恩賜及第佐預焉累官至
山西道監察御史欽差有事江南舟次徐州下洪兩
岸皆石水勢衝激舟觸之即碎伏几假寐夢侯來欲
有所言未及語忽聞舟裂聲遂驚寤已而他舟觸巨
礮盡覆沒佐舟獨完後以御史持節按陝右適固原
土賊滿四據石城作亂勢猖獗殺傷吏民無算官軍

盧氏縣誌

卷之八

人物

二

進討弗克佐與都憲項忠督軍七萬人合戰不利伏
羌伯毛忠陷陣死寇益張佐忽見侯提刀怒馬而前
呼佐曰毋恐吾助汝時狂風大作賊衆奔竄佐督軍
乘勢掩殺斬俘畧盡遂平之論功賞賚有差晉佐爵
命一品及歸田追感侯庇重新侯廟金其像思題一
聯以彰侯靈句未就苦思倦寐夢侯曰三分螭鼎辭
金章顯揭匡王誅僭義佐對曰五夜麟經燃寶炬隱
寒賊子亂臣心因刻石侯廟誌顛末縣令姜洪所撰
也碑今猶存

郭愷字元宗景泰間歲貢士任山東登州府推官盡心讞獄出入平允一方無冤民

耿智字彥哲清惠公九疇子天質剛毅博覽書史一時名公皆器重之天順初詔徵兩京三品大臣子弟入太學智以母老辭不就讓異母弟禕以應之專事母遠近稱其孝義

韓鎬字民瞻成化戊戌進士初授兵科給事中累官至都察院右副都御史巡撫浙江兼贊理軍務統兵禦倭寇歷有勲勞後卒於軍祀鄉賢

盧氏縣誌

卷之八

人物

三

郭爾照字闇然萬歷間恩貢饒才幹初任唐縣教諭陞陝西甯遠縣知縣勦平蝎子塊賊有功欽取考選貴州道監察御史未任卒京邸

李炳字峒橋萬歷丙子科舉人癸未科進士初任江南當塗知縣累官至右副都御史巡撫遼東都察院轉南京大理寺卿卒於官祀鄉賢

王邦才字汝掄號西皋丙子科舉人器資凝遠材識通明初任陝西郃陽縣知縣調藍田縣時陝西稅監梁永趙欽貪暴不法邦才素強項不爲指使藍民得安

堵無恙報最陞山東濟南府同知三十三年遼左方
用兵上廉知邦才能委以疆事茹檠自奉勤勞王事
條議除浮費以億萬計奏設郡監例贍軍需以舒民
力一時稱幹濟才遼監稅璫高准貪暴十倍永欽搜
括民財殺人無算勢炎赫爍官民畏之邦才奮不顧
身執其牙爪宋希會徐文勝等棄市疏劾淮罪惡上
怒逮邦才下獄七載得釋起復戶部主事尋陞戶部
浙江司員外郎彈劾不避權貴上褒嘉之建坊旌表
賜精忠貫曰四大字祀鄉賢

盧氏縣誌

卷之八

人物

四

劉蔚字原素號耳陽萬曆甲午科舉人戊戌登進士
第授山東青州府沂水縣知縣調繁萊州府掖縣修
砌磚城適兵變久困未失事平撫臣題疏有七月之
城守彌堅千載之功勞難泯等語又調繁南直楊州
泰興縣行取工部主事轉浙江道監察御史巡按陝
西督理川湖茶馬官至順天府府丞

李作乂字研極萬曆丁酉科舉人丙辰科進士遼東巡
撫大理寺卿炳之胞侄也性方嚴敦古好義初任山
西汾州府汾陽縣知縣多惠政考滿陞兵部武選司

主事後歸休出租積之贏餘輸粟千石在城立贍士
社倉澗西村立廣濟社倉倣朱子古法每遇歲荒計
口授食隨時賑濟賴以全活者數萬人至今邑人猶
思其德焉卒祀鄉賢

杜景開字文波博洽風雅工詩文萬曆壬子科舉人任
山東萊蕪縣知縣後歸田絕意仕進詩酒怡情著有

詩集遭兵燹失帙今猶存其畧

載藝文

周邦宰字佐公邑儒官係盧氏縣教諭崇祀名宦諱瑄
之裔孫生平爲人衣冠必整步履不苟閭邑紳士公

盧氏縣誌

卷之八

人物

五

舉飲賓 恩賜儒官性好爲善修成德觀時暴風忽
起公隨禱即平衆皆竒之凶年施粟賑恤貧乏濟族
人免饑寒邑人咸稱善士明末寇盜肆掠傷人無算
聞公之爲人竟不忍侵害其德之感人者如此子統
光邑增生孫曰簠曰篋敦復俱庠生曰庠由貢生任
衛輝府胙城縣訓導元孫肇岐癸巳科舉人任上猶
縣知縣肇文甲午科副榜任通許縣教諭累世繁昌
人以爲積善之報云

古字徇如號靜泊萬曆丁酉科經元忻州同知仲

賢之子沉毅有謨畧任山西吳堡縣綽有能聲巨寇
白粉塔子率衆犯吳堡勢猖甚士民震驚旦夕憂不
保古運籌設計討平之全境安堵論功陞陝西乾州
知州

靳謙吉字羲箴乾州知州學古子萬曆戊午科舉人性
剛毅不隨時俯仰崇禎六年流寇犯城人皆遠遁吉
自矢曰吾雖無城守責亦朝廷百年培養之人豈忍
向草間求活耶城陷被執不屈死之撫按疏題卹贈
光祿寺寺丞祀忠義祠難僕人梁一龍劉學言

盧氏縣誌

卷之八

人物

六

完 璧本縣守禦所百戶崇禎癸酉賊至堅守孤城翌
日城破力不支空拳迎敵罵賊冒刃而死卹贈正千
戶祀忠義祠

王衍範本縣人監生戶部員外郎邦才之孫有幹畧崇
禎間爲直隸真定府巡撫徐標中軍材官闖賊犯真
定兵亂殺標及衍範卹贈範都督總兵祀盧忠義祠
孫孕秀邑庠生義勇自矢明末流寇攻縣城秀糾合鄉
勇奮力血戰助守孤城城陷被執不屈死之

常甲元副榜苦志讀書屏絕世務賊至突入其室猶正

襟危坐俯几吟哦厲聲叱賊遂遇害

常省身邑庠生南蘓村人性剛烈饒武畧崇禎七年流寇踞盧偵知其能潛使人賫金帛聘身爲參謀身大詈斥去寇怒率眾犯里堡身糾家僕據險迎敵苦戰三晝夜知不免先驅妻子雉經舞劍長嘯自刎喉未斷呼僕曰速殺我毋爲賊辱賊見身感其義急呼曰有藥敷之可生僕執主命遽前斷其喉賊憤恨醢其僕

周新命字景濂廩膳生城內人名宦瑄裔孫崇禎六年

盧氏縣誌

卷之八

人物

七

闖寇破盧城新命被執罵賊不屈賊恚甚投新命於烈焰中其子統世邑庠生號呼奔救並遇害

王紹第字捷之澗底村人性恬澹不慕榮利崇禎己卯領鄉薦絕意仕進卒不就官隱居自樂寓宏農以舌代耕後學多蒙其教澤

耿薇垣字紫宸九疇之裔孫萬厯辛酉科舉人任陝西褒城縣令清介廉毅致仕歸安貧樂道嗜古博物詩酒怡情累薦不起遨遊靈闈間獎拔後進成就人材雖茹苦食貧淡如也門人稱爲文潔先生

李正芳字蘭馨號龍九嘉靖癸卯科舉人出授陝西渭源縣知縣爲人清介自守治衙整嚴果於聽訟每出票必限日期決不遲遲爲吏役驅賄邑人歌頌親如父母

杜言嘉靖間人輸粟救荒捐貲修廟孜孜爲善惟日不足會給冠帶旌揚以勵頽風

柳泉孝子父子居深山業耕樵父偶觸法繫獄其子戴星餉父久而靡懈一夕渡溪見水中光豔俯而拾之莫能辨售市始知爲金縣令以爲孝感釋其父并還

盧氏縣誌

卷之八

人物

八

其金

靳學禮天啟間人解衣推食濟人危苦設塾延師成就寒微家無餘粟巷有勸呼曾蒙府縣棹楔給賜冠帶常進德明末積粟設險保全鄉曲凡亂離困頓者多所贍濟

王璇嘉靖時人有雋才博極羣書能詩古文由貢監授徵仕卽家居不仕而自放於山水間蠟屐所至率有題詠與諸生韓昕楊耀相切劘杯酒往來卽席酌答動若宿構盧令張思學王承統學金陳大節

等先後高其名咸樂與遊每有著作輒假手焉
天齊廟碑搜神點鬼取精用宏邑中碑碣遺女莫能
及者

趙 濬字顏河由進士任山東東昌府知府回籍後潛
心力學誘啟後進著有四書未盡言疏解

亢 耀字海陽宅後爲園築居易齋於其中讀書授徒
與杜景開耿薇垣爲詩友由舉人任金鄉令鏤所作
於板惜遭明季兵火無一字存者

鄭端明歲貢生器量深沉文章高古儒林咸器重之

盧氏縣誌

卷之八

人物

九

郭德茂字石門博學宏材最見重於邑令何公嘗爲石
門入襄賦以祝壽

李鍾崑天啟四年秀才嘗以手礫賊魁忤邑令黜巾械
送洛陽獄福王姪號大嘴者喜其豪爽出諸獄兄事
之崇禎八年改名生直復入庠李自成三次陷盧公
縱酒狂歌視賊如兒戲卒亦無能傷之者邑人葛金
堂以藪澤之雄冒武職挾官害民公遇諸市拉而打
之藐如也兄鍾熊鍾嶽弟鍾崙俱庠生 國初從邑
令劉公夜破雞冠寨昆仲四人實生擒牛子秋名載

署前平寇安民碑

國朝

雷鳴皋字舒陽登癸未進士學宗濂洛天性孝友是科改秋期始行皋以白雲親舍爲念試甫畢束裝遄歸同試或止之曰吾不以身外物易吾膝下歡也抵里父母俱罹重疾奉事湯藥衣不解帶者五閱月幸皆愈人以爲孝感所致閒居設經史惠後學啟誘所及多獲成就 國初授廣宗縣知縣調繁淑浦俱有明效至今猶歌思之至若育胞弟之孤兒教養兼至嫁

盧氏縣誌

卷之八

人物

十

難友之幼女不啻親生康熙壬寅邑人士公具居官居鄉狀蒙當事核實從祀鄉賢

張易賁字人文順治甲午科舉人乙未科進士博綜羣書學富才高由廣西永福縣令行取戶部主事遷禮部儀制司郎中兩知典試後以二品服册封安南陞督學道副使

杜桂字元冲號莘菴戊戌進士爲諸生時貧窘無以自給資舌耕供父與繼母養以孝聞由進士授浙江壽昌令壽昌殘敝邑民逃賦逋前令綠謫罰羈縻者

三桂泣任多方調停俾得釋旋里招徠逃亡勞心撫
字輕刑緩征除弊汰冗歌聲載道有立祠德政記德
政詠二冊兩口特薦行取授浙江戶部清吏司主事
時部屬缺人桂獨攝諸務浙中軍興一切籌運餉饋
清理錢糧無不允當特授吏部考功清吏司主事陞
驗封清吏司員外郎因議封誥拂上官意降二級回
籍遂絕意仕進捐地充祀田延師課訓子孫優游田
園以終其身焉

孫鍾秀字振川邑庠生慷慨好義廣施予遇事敢爲毋

盧氏縣誌

卷之八

人物

十一

退避意盧自明末兵燹後僅存子遺土地榛蕪征輸
者猶執原額差繁賦重民不堪其苦縣令劉公瀾詳
請除^免諸生謂之曰紙上浮言恐不能動上聽必得
人赴轅面陳疾苦事乃濟人皆畏縮有難色鍾秀獨
以身任之崎嶇半載貲費約百金皆破產出已囊匍
匐各上憲繪圖流涕備陳盧民苦累狀上憲感動疏
奏

俞允定爲下縣盧民至今食德縣令劉公瀾立碑東郭外

誌其事

雷 順字孝若邑貢生淑浦縣知縣鳴皋子孝事孀母
因盧令鄒印光懸加地則士民苦累逃亡殆盡順赴
部泣陳地則得以改正人始安業

王懋襄邑貢生字有聲爲諸生時義氣自豪矜名節不
畏疆禦明末寇黨葛烈踞范里寨貪虐暴橫掠人金
帛無算拂其意輒殺之人莫敢撓其鋒賊遣人索糧
於懋襄叱曰吾豈賫糧資寇盜也拒弗與賊銜之會
自縣歸突遇賊於康家河賊欲斷脛抒夙憤懋襄瞑
目大罵賊奴賊竟斷其脛而去行路見者負歸卧家

盧氏縣誌

卷之八

人物

十二

數月愈時人爲之語曰古有斷頭將軍今有斷脛秀
才

王興邦典吏仕至浙江象山縣丞閩逆犯羣台奉調軍
前日夜固守放漕糧厯三載無錯事稱幹濟才

靳柱明字竹居邑貢生明殉難舉人贈光祿寺寺丞謙
吉之子性醞厚好讀書博洽淹貫縣誌經明季兵火
灰燼無隻字存者

國朝重修自柱明創始

周曰庠字宗周由貢生任衛輝胙城縣訓導明儒官諱邦

宰之孫邑增生諱統光之子生平儉樸自持不染塵
囂獨力葬母無索及於姪男撫養孤姪某卓然克有
成立邑人咸稱孝友後躬膺師儒日課諸生胙邑士
中心悅服皆奉爲理學先生及謝任歸里常以詩書
訓飭子孫長子祚永邑庠生次子祚嘉三子祚翼太
學生長孫肇瑞邑庠生壽八十五終

常克讓少喪父事祖母以孝謹稱弟姪貧者代爲婚娶
教以義方陝西流民陳姓謀鬻女讓厚卹之又買郭
姓田郭後益貧召還田不責其值邑合兩表其門曰

盧氏縣誌

卷之八

人物

十三

孝全友于德音孔昭

藺宗相字我宗邑貢生孝友忠厚謹飭謙和鍵戶讀書
絕跡城市雍正三年督憲田 旌其門曰克振儒風

雷繩武字克念歲貢生克敦孝友兼通醫卜弟某乏嗣
卜遷祖墓勸弟焚券廣種陰德晚年生子京試太醫
院作瘧疾論掌院深加嘆賞特取一等辭不就職凡
親族家貧不能婚娶者無不助金完娶併施義塚以
掩暴骨縣東觀音閣爲往來通衢招僧住持捐地數
頃以助焚修施茶之用康熙三十年通省告減鹽價

具呈 督憲盧鹽得減價十五文至今每斤價銀一分四釐三毫雍正四年選授光山縣訓導途遇晉民康姓被刦深憐其阨解衣贈金得歸故里泣任後謁司馬溫公祠見其祠宇傾圮捐俸修理兼攝教諭代理縣務勤慎潔已上嘉其廉正任三年告歸故里享壽八十四卒

杜 謙字萬吉吏部驗封司員外郎桂之長孫也天質剛毅嗜學博物由拔貢生作通許縣教諭幼失怙恪遵儀禮祖年老致仕家居凡飲食湯藥必親身調理

盧氏縣誌

卷之八

人物

十四

不假臧婢事母雷孺人克敦孝道母稍有失意和氣愉色轉怒爲歡鄉邦悉重之撫弟貢生臨教誨備至兩世不分爨本鄉佃戶所欠積逋悉焚券免之事上接下一無紆綉氣習而出仕通許文品懿行士林推重有不端者以禮法導之尤慷慨好施保領官穀以延民命後告疾未解任卒於官署

常廷璟字紫崖羅城知縣仲讓次子也性寬和有行誼早失怙恃事繼母盡孝任禹州訓導以扶人倫崇義節爲己任州烈女王氏未及嫁夫死氏自刎璟聞其

事具酒饌親詣拜奠並出金治塋壙與夫祔葬以遂其志焉葬之日州人士畢至各具禮儀轟聞遠近其他表貞烈者不可枚舉嵩陽李忠烈祠久圯處士鍾爾知墓幾歿荒榛宿莽間璟太息曰祠墓垂遠所以彰忠烈勵節行也忍視其頽廢如此乎因捐俸金百兩修祠表墓又爲士子設兩會考課必嚴文風丕振科第綿綿解歸日多士步送四十里涕泣爲別有河橋贈言詩冊後家居尤廣行善事堂嫂杜氏幼寡無子守節五十餘年衣食咸資於璟氏死備禮葬之姪

盧氏縣誌

卷之八

人物

十五

某失業璟出金爲之贖產佃戶積逋數百餘石璟遍召諸佃焚券不責其償遇人困乏必量力周濟年七十四卒

賀 時字奉若邑庠生勤儉質樸事父母以孝聞父死廬墓側朝夕泣奠三年如一日後於居左建一斗室懸父遺像屏絕外事讀書其中朝夕焚香每食必先供如是者終其身父俊好行善事嘗捐已常稔產二百畝爲邑庠序費其他舍施不可枚舉總督部院王聞其事旌曰義行可風及俊疾革囑時曰吾未嘗讀

書但見人家廣金帛子孫以此多侈蕩墮家聲吾一生積金二百五十兩汝宜輸充官用勿爲子孫累時遵父命捐銀二百五十兩建申明亭並買地積穀以備荒稷復捐修賑貧院房屋十間又捐地六頃有零建設義學賑濟孤貧種種善行無非仰承父志於不替縣令吳上其事總督部院王擊節嘆賞謂善行如賀生不但河南通省所無求之宇內亦屬罕見因旌其門曰惠遺桑梓復傳時赴轅面加褒獎賜麗筆一束精墨一匣扇綴一元親撰積善說一通以獎之曰

盧氏縣誌

卷之八

人物

十六

易云積善之家必有餘慶又云善不積不足以成名善之貴於積如是倘能父子相承濟美勿替斯真不愧積矣盧邑賀生克繼父志捐其世業田助普濟堂贍給貧民計值二千金曩者其父亦捐常稔產二頃助庠序之費甚矣賀氏之能積善也昔南朝北賀德仁德基著善行美文章太守王伯仁旌其鄉曰高陽里以示風曉顧昔之賀以兄弟今之賀以父子其善尤鉅其事尤難矣余難其父更難其子也恤孤貧仁也襄盛舉義也嗣先猷孝也有此三善所謂表厥宅里

樹之風聲其在斯乎餘慶成名舍是無他求矣因作
積善說以獎之焉雍正十二年 總督部院列其事
於朝

恩賜貢生以教諭職即用年五十五未仕而卒

劉待聘字象賢邑廩生順天府府丞蔚之曾孫孝友誠
篤以身率人鄉里多被其化痛兵燹後家乘無傳待
聘考核纂敘宗支分明著爲家訓子孫世爲奉守學
務精研實理文章必崇先輩啟迪後學多所成就至
今邑中講書理文法者推待聘獨得正宗

盧氏縣誌

卷之八

人物

十七

王惟一 字澤山 邑之歲貢也爲人渾厚精明不露圭角
有古君子風焉幼肄業恪遵父訓苦志三年入廩庠
父沒義方教子勤於誦讀故長子緝文次子述文俱
入庠三子鴻文准入貢處鄉曲忿可解難可排常不
欲令人德已言壽八旬有二與同室郭氏一時偕逝
生同年死同時閭邑無不驚其異

田養賢字寄嵩邑庠增廣生行方性介喜讀書咕嗶聲
七旬不輟又才長經營章公重修文廟毛公建文昌
祠悉倚爲總理至里中祠廟賴以修成者甚多

不爲不義棄吏去令竟不能屈任江南鳳陽府宿州
靈璧縣固鎮驛驛丞壽八十四卒

常伯士字長公邑庠生愷謹誠篤寬仁好義年六十事
母盡孝一切衣食必親身檢點時外祖家遭兵燹乏
嗣母常悼痛每屆春秋必率子姪拜掃以順親心凡
親族有疑難之事片言立解三教峪設義田二十餘
畝以瘞無依之櫬買王村傅姓平地五十畝已三十
餘年後其子弟歸里苦無活計取原價償贖之鄉人
重焉享壽八十九歲

盧氏縣誌

卷之八

人物

十九

劉紹漢字緒之順天府府丞蔚之姪孫賦性健爽行事
無回邪由典吏任山西太平縣尉每自箴曰官無大
小貴盡厥職在官多著勤勞有邑士某以爭地獄久
禾決上官廉知漢才委讞之漢精心查勘得實事上
報可其明斷類如此後去官家居敦請名師曰課子
孫讀書諸孫用羽文羽承乾聯翩列膠庠長孫翹羽
乾隆乙丑科進士現任戶部貴州司主事漢以詩書
大門第老而彌健嘯樂林泉灑如也壽六十五終
薛振宗字雲山樸誠恂謹不尚華奢凡事一率天真由

典吏任直隸滄州南場鹽大使奉院票解鹽課銀十
二萬到部回署路費餘銀三百餘兩宗出差奉公一
無扣落盡數還歸於院上官嘉其忠誠因璃國場無
人令宗署理二載每著勤勞其在官者有如此繼母
遺兩弟皆在穉齒宗孝友兼盡得母歡心並爲兩弟
授室置產克敦手足情誼子文獻病故遺媳任氏
志守節取國翰爲嗣教訓成立今由俊秀考授吏目
人咸謂宗孝友之所致云

莫士帥字振嶽邑貢生孝友端方聰敏嗜學博覽羣書

盧氏縣誌

卷之八

人物

二十一

初名士麟弱冠入庠文噪於時士林推重事父母及
繼母咸得歡心叔與嘉常患疾麟維持調理代營其
家計俾堂弟士任專力詩書康熙乙亥秋偕叔與嘉
應歲試與嘉疾轉劇麟衣不解帶者彌旬及臨場心
憂叔疾致遺悞命題置盡等人咸弔問怡然曰苟叔
疾瘳乃大慶也功名外物甯不可得失自我乎及科
考易名士帥復應童試入庠有異母弟甫三齡父歿
帥讓田舍於仲季獨攜幼弟居東鄉舌耕長爲成室
同爨終身子曜壬子科舉人克繼父志至今未析人

謂其世德濟美云

常士傑字千一邑廩生豪邁灑落有高曠風早喪父母
惟兄嫂是依幼讀書不任家事遭際艱難中年兄歿
疾革時士傑涕泣伏牀前乞囑後事兄曰吾尚不知
汝心也夫何言但子孫雖愚必令讀書勿廢詩書業
遂瞑目遺孤自得自任未及成立士傑事嫂維謹撫
孤姪如己子延師課讀自得青年八庠自任由庠生
成例貢姪孫卜年己卯選拔卜世由庠生例貢一門
昌盛悉士傑教養之力同居四十餘載無間言七十
七卒臨終爲子姪析產叔姪相讓久不決親友處分
之人咸高其義自任殮士傑於己庭分任殯葬之資
以云報也

杜 臨字宜吉吏部驗封司員外郎桂之次孫也由庠
生成例貢性體冲和操行謹飭事父母至孝承顏慰
志從無間言事兄謙儼如師長克遵教誨念兄乏嗣
遂遺命以子鵬程過繼手足之情藹如也待同族賑
恤貧窮勸讀課耕諄諄無已間有起爭端者臨至輒
解生平無片紙入公故人皆敬服教訓諸子成立當

年之家聲宛在焉

劉翮羽字 苞號桐庵一號迂齋由進士仕爲農部尚書郎山西太平縣尉紹漢之孫順天府府丞公蔚其高叔祖也秉質淳厚聰明內涵自祖宦後家居敦請名師課諸孫讀書公卽克承厥志鍵戶講學恂謹端慤勿尚浮華勿矜才能更與昆仲輩自相師友悉以迺祖之所以教公者教之諸弟皆聯翩列膠庠焉公爲諸生數年每試冠軍文章重於河洛宗師于旌其門曰行優文卓太母聞氏素有寒疾百方延醫未效

盧氏縣誌

卷之八

人物

二十二

時值選拔赴京試雖囊篋蕭然必索換參桂諸藥歸遺療母已身之苦弗恤也登賢書後設教盧永兩邑生徒濟濟成就多人母病故哭泣哀痛數絕而復甦邑宰劉公聞其素行雅重之贈以詩曰連珠九朵峰特鍾皎皎士洎禮闈擢桂獲選農部尚書郎庶務勤慎不事苛細海梁二大司農特簡賢能四人辦朝廷歲出歲入總數公其一也適遇盛暑不閱月而報完中宰劉公大司農梁公賜簡曰勤慎無間朝夕老成可爲典型獨居京邸二載顧念嚴親在堂久離膝下

子弟恐不能頤事雖音問衣服食物時給必欲躬親
色養值公長男抵京省視即命旋里迎奉到京牀褥
飲食躬親展視調和不一假臧婢手因太公年踰古
稀寒暑往往不慰公喜懼交集不能釋懷於三年報
政期得外任聽選遂得攜眷奉親以歸而太公抵家
復染時疫公宛轉調護晝夜扶持連旬衣不解帶忽
冒風寒而逝里人聞之無不流涕皆云古人有死孝
公其近之

莫爾同字公野歲貢士立品端方學問優長與人平和

盧氏縣誌

卷之八

人物

二十三

樂易從無疾言戾色日以詩書訓飭子弟弟爾京爾
倫爾躋子士琮士熊俱入庠士玥拔貢生

李凌雯字錦蒼邑庠生孝友醕謹內外無間言與人悉
以至誠人共欽服乾隆七年里人公舉鄉飲適雯病
縣令劉尚文登門存問者數四禮未及行而終

李 浩本縣里民排難解紛鞠育遺孤

劉志瑛父焯以貢生謁選病卒京邸瑛隻身徒步乞丐
貲糧負骸歸里安葬先塋

甯 芳城北里民曾埋戰亡枯骨年至六十連生三子

壽九十五歲更見諸孫亦善慶也

張 欽忠君里民性孝友母早喪父經營出外遺幼弟
銓甫十歲欽躬執炊爨撫養教誨賴以成立祖廩生
元爨死洛陽其時欽尚幼語及祖事輒流涕營貲赴
洛不知祖瘞處號泣洛下逢人跪訊人感其孝導之
處乃負骨歸葬里塋痛父之久羈旅也崎嶇半載尋
父同歸朝夕奉養無缺父歿哀毀盡禮人謂欽能了
父未了事盡已當盡職

王成巳字仁齋例貢生敦本睦族好義樂施伯叔昆弟

盧氏縣誌

卷之八

人物

二十四

凡有吉凶事悉爲之辦理其資以炊者十餘家邑訓
導李昆泣任三日病卒貧不備棺成已捐金殯殮

兼資

歸櫬又嘗出銀百兩修理南寺橋梁舟楫至今利涉
者咸思列石銘德焉

李廣生履中里名宦李作乂孫庠生志之子遵父遺命
恤養從兄孤子爲其兩世婚娶子孫蕃衍胥賴其德
羅升宏在城鄉約老成奉法康熙四十七年縣令王珩
奉文修城知升宏勤謹正直使董其事升宏盡心竭
力絕無隱欺三年工竣縣令扁其門曰勤慎可嘉

張孝光忠君里民篤厚朴實早喪父母事祖母盡孝殯葬如禮縣令賈鎔廉其公直委主倉事孝光勤勞奉法出入維均民無怨言

范秀生履中里民性孝友母陳氏素患癱疾難履者二十年秀生經心醫藥左右護持未或少懈母歿殯葬盡禮不以分委諸弟年登八十 矍鑠焉

劉孝子名大仲黑馬渠民素深孺慕母病大仲晝則延醫調藥夜扶母坐未嘗困倦病久乃陰自號泣祝天割股以進母嗅有香氣喜食之病漸瘳里人舉報於

盧氏縣誌

卷之八

人物

二十五

官縣令王玥曰割股非正也然出之愚蒙亦見至性給扁曰孝率天真

段長福樂善里民業耕樵族兄長壽隻身無眷屬以傭工度日後年老不能力作福見其凍餒於乾隆元年留與同居七載顧恤如同胞雍正八年邑學生楊敬天遺銀七兩福拾得之給還乾隆伍年十月邑人楊雷趕集失銀八兩號於市曰此吾一家性命所關有憐而歸我者願以半相酬此銀適爲福所拾卽出以授雷雷酬之福笑而不納市人有知者曰此卽數年

前還楊某遺銀者豈受若謝哉因邀至酒肆歡飲作禮而散雅制臺廉其遺事採入彰善錄乾隆十年五月日暮雨後於撻麥場外拾得一囊檢視之皆婦女衣服首飾之類福卽藏之麥秸中並未令家人知次日關外出招還主乃知是庠生李梅茂因雨過渡倉皇遺去之物也

白來貢歲貢生任溫縣教諭持已有節課士有方溫邑建祠祀之

賀 壽字眉端忠實謹樸樂善好施一時目爲生佛而

盧氏縣誌

卷之八

人物

二十六

公卒無德色康熙十七年邑令胡贈扁曰克寬克仁常仲讓字膚公任羅城知縣撫字荒服政簡民安勤勞七載而卒宗族科第連綿爲一邑冠皆自先生啟之張 仲邑庠生爲人退讓能忍人所不能忍右狂夫屢以小忿詈於門公戒子弟鍵戶勿與校其人卒愧怍而去國子助教曾尙治爲立傳表其賢

賈來宣字丹詔篤實謹厚閉戶讀書屢蒙督學優獎贈匾曰行修言道

望君錄字殿颺任陵川知縣接物以誠持身以正存利

濟民物之意惜未遂所志而歸設帳宜洛嵩汝間
下多大成之士所著有文浩集待梓

莫 曜字晶如事繼母極孝事胞叔極謹鄆邑文風凋
敝公任學博爲設大成鷹揚二會進文武生而訓誨
之科第遂興有李生者貧不能讀公佐以膏火之資
一力鼓舞卒成名士辦差董家隄鎮靜不擾官民便
之旋奉檄攝本縣事裁決如流而用刑平恕民興樂
只之頌鄆民有鬻孤姪者公代贖之越日報公長子
元龍舉孝廉民間之喜曰固知善人之必有後也嗣

盧氏縣誌

卷之八

人物

二十七

署扶溝學奉憲命捕蝗禱雨並查點烟戶稽盤奸匪
因積勞成疾以終鄆人謂作本邑城隍雖冥漠事君
子不言然其正直無私取信於人有素可見矣

權 鑑字照臨任溫縣教諭性至孝嘗爲父吮痔於縣
罍有關係者尤事事留心邑令趙公亮漕米改折銀
數登封令阮公振益詳革盧邑懸糧俱勸紳民刊諸
石誌德政杜弊端也所著有悔過堂文集待梓

李 深字龍津歲貢生學問淵博尤潛心於性理諸書
嘗作獨坐軒以見志邑令 表其齋曰德輝杜門數

十年書卷未嘗釋手所著有四書從朱商月令誌等書壽逾九旬而卒

莫士玥字西霞康熙丙午科本房擬元呈薦主司堅意改魁彼此牴牾遂遭擯斥至雍正乙卯得選拔朝考一等一名引見時因部書貽誤竟不用居家孝弟節廉宗族化之邑令吳旌其門曰儀型宗黨

常廷燦例貢生事繼母克盡孝敬爲族中後進立文會具酒穀收課卷不憚煩也又堂叔失業爲復之姪不能婚代娶之窮佃積逋焚券以卹之猛虎爲患募士

盧氏縣誌

卷之八

人物

二十八

以除之邑宰陳公卒櫬不能歸持厚貲以賻之觀察張太守龔屢加褒獎邑人擬舉孝廉方正辭不受

王爾鑑字在茲初任山東鄒滕益都等縣知縣陞濟甯州知州遷曹州府同知補四川夔州府知府所至興利革弊各事認真在東省兩次同考尤能以文章定經濟拔取真才生平善書工詩歿後百餘年邑人遇其片紙不惜多金購之

駱俊字英甫以北郭爲赴陝通衢往多水患獨出已貲建石橋邑侯薩旌其門曰義行可風

常卜壽字彭齡持已接人動循規矩胞弟二長拔貢生
卜年次附貢生卜世家累數十口日用瑣屑皆公主
之一絲一縷無不均親鄰景慕以爲有三姜之風云
常卜年字鶴齡與莫元龍齊名進士李秋坪嘗論之曰
廣陵莫公雄於文者也鶴齡常公細於文者也其爲
前賢所景慕已如此

常卜枚字子占任山西角杯鎮巡司乾隆乙未金川凱
旋之師路出蒲郡樊橋汎公奉札辦差省帑項減夫
工拔榮河萬泉虞鄉猗氏臨晉五縣民於水火中越

盧氏縣誌

卷之八

人物

二十九

歲丙申署絳州吏目又承辦五台大差除道修垣轉
糧運草之夫莫不舉手加額以爲此平易可親近者
髯公也公美鬚髯故以爲號焉

靳維新字西伯天性友愛事寡嫂董二十餘年無失禮
於庶母弟維垣維烈曲全成就有牛宏之度乾隆庚
辰以副貢選遂平教諭明年奉委協辦武陟賑毫無
苟且俗吏不能爲奸縣令也額其堂曰惠我黎民

莫伊槐品學兼優遇奇未售其戒子書曰天能靳我以
名不能阻我以功天能晉我以不能我以德邑

人咸奉爲格言

王文煥字堯章邑庠生館陶令濟川之父也孝以事親友以待弟儉以持身嚴以教子渾厚以接宗族方正以率鄉黨女弟二皆少孀子幼尤極力周卹使孤寡無失所之虞

杜鵬翔字扶九任安徽宿松縣丞歷署宿州州同五河望江南陵等縣篆宦遊二十餘年不以家累自隨亦未嘗謀及產業而後嗣繁昌書香縣遠冠一邑

杜鵬程字健翎任湖南醴陵縣棗口巡司一切循分爲

盧氏縣誌

卷之八

人物

三十

之未嘗以官小廢職然不能爲斗米折腰未及一年決然舍去歸來杜門課子視姪輩如已出長子蓼字晴江小直沽批驗所大使恪遵庭訓亦以勤慎稱

孫 蘭字蕙菴事長兄撫弱弟俱能得堂上歡有遠族嗣於異姓公召之歸爲經理其家壽八十二卒

望世義字宜公嗜讀書至老不厭終身不妄爲些子事
事寡嫂撫孤姪尤恩義兼盡

常 照字繼光兄熙病故房縣任署中存銀米頗多皆兄所積儲以備邑中凶荒者幕友謂非庫欸公項亦

非剝取民財何取之以備資斧公泣曰吾兄初爲貧士繼爲貧官兩神清風鬼神可質今縱拮据忍傷吾兄之志乎後由明經任臨潁訓導以廉謹稱

莫繼先性孝友季弟不肖父責之公屢跪乞恩季或有時紵其背亦毫不介意怡怡如也家貧讀書夜無膏以香火照字年七十四誦終風且霾四句而歿

王來曾字魯堂由庠生任如皋縣尉近二十年俗奢示之以儉談文則議論風生後以疾告歸餞送者數十里不絕

盧氏縣誌

卷之八

人物

三十一

張其瑗邑庠生國子助教曾公爲作傳曰由孝父母推之以孝叔父由友兄弟推之以友從兄弟其天性之篤摯可想矣

李文質字用中嘗謂世人皆巧我獨拙世人皆智我獨愚歎歎惘惘無流俗狙詐之習子生員淋瀚亦持身以正有父風

郭萬錦字景亭伯父從兄相繼歿兩世喪葬代爲經營不言德有姊以年少孀居家貧子幼公曲全保護卒後爲建節孝坊並請入祠惟甥無恒產易簣時日猶

不瞑公子同清不惜重貲爲買山庄一處善承
固知公之含笑於九原也

李景白太學生先貧後富未嘗以放債生息剝削窮民
遇凶年不買良家女爲婢年七十子孫慶滿堂焉

常居敬字肅齋壬午副榜治家有法同居八十餘口數
十年無異圖後隨弟懋敬之安平任動以無負朝廷
爲勸勉署內事經其籌畫未有不悉協機宜者

常懋敬字勉齋與居敬同胞亦同榜家累多而苦貧晝
飯牛牧羊夜則足履冰盆防讀書倦而思卧通籍後

盧氏縣誌

卷之八

人物

三十二

任直隸安平知縣陞開州知州撫字心勞口碑載道
段溫經一案牽累無辜甚多上憲欲盡置重典公抗
稟曰殺人以媚人卑職不能爲也事遂寢宦遊數十
年不染邊幅氣習葬公時進士李秋坪贈匾曰富貴
不能淫今合前後以觀所謂貧賤不能移威武不能
屈者公實兼之矣

楊西序例貢生事堂上生養死葬皆以誠從父昆仲十
一人同居近百口門以內雍雍如也晚年尤加意軒
岐活人無算壽八十餘而終

王大士歲貢生性狷介安貧嗜學成就後進頗多壽八十有四卒後選蘭儀教諭子懋修邑廩生

李佑申號竹廬邑庠生品端學富嘗與堂兄玉瑤及楊公卓雷公宏顯宣講 聖諭規勸一鄉父歿廬墓三年墓側廣植菊花問之從其父生前所好也於時邑中名士多爲詩以慰之任房縣知縣常公學光又爲作行狀上之有 欲以聞諸 朝因先生力辭乃比卒後作墓誌阡表則舉人范公執中副貢陳公志實先後無異詞焉

盧氏縣誌

卷之八

人物

三十三

段大明太學生課子弟讀書延名師不惜巨費禮貌尤虔鄰里有疾多方周卹不責償不望報也遇事明決有爲累任邑令深加敬信每造門往謁談終日始去陳聖簡字敬學才高學博制藝居然名家性尤正直端方堪爲一邑師表

陳聖箴字顏學與兄敬學俱一時名孝廉嘗謂文無高下須自成一派而秋坪之逸韻亭之厚均不如吾之熟知其於此道三折肱矣

權 潤字雨蒼丁內艱毀幾滅性父照臨公任溫縣訓

導公以其應酬煩苦勸解組歸尋勝景於林泉話舊情於族黨公且晚趨庭藹然孺慕老萊之風不過也家故寒薄不忍藉老親作生活計張東渠推公爲誠實君子有以夫

楊 雒增廣生祀祖禰必豐潔教子弟必敬恭嘗執業於聖功王先生之門王非禮不動雒性端方洵不愧爲先生弟子云

張 恕號柳堂幼聰慧入庠後周覽天下名山大川胸中之學益進中年主講遂平吳房書院河陝道歐陽

盧氏縣誌

卷之八

人物

三十四

公蒲州道伍公皆器重之聘爲西席本邑學博萬斯周扶亭薄與聯詩會成莫逆之交而有司衙門則非公事未嘗一至其胸中有守又如此

張錦文太學生仲弟歿遺孤三人皆爲撫育成立姪孫之艱苦者亦資其贍濟行年九十五世同堂邑令盧公表其廬而旌德焉

李名揚號秋坪年二十七成進士任安徽蒙城知縣裁陋規立書院修義倉頌聲載道未幾以不獲上解組歸主講龍山書院十餘年所著有周易正字詩經正

字禮記正字爾雅音釋史綱史奇史評史觀姓氏考
服制集解秋坪雜俎等書惜兵燹後強半不全耳

莫瞻雲字亦亭四庫全書館膳錄議敘孟津縣教諭學
博才高足以理煩治劇藩憲吳特信任之

鄭步雲歲貢生性情方正禮度介然危坐終日儼如泥
塑嘗以公事見邑宰時方盛夏公手不執扇面無汗
容邑宰歎服以學深養邃君子稱之

郭起麟邑庠生同學廩增附合詞具稟舉孝廉方正先
達李名揚尤加歎賞

盧氏縣誌

卷之八

人物

三十五

常孝輝字維則與郭起麟同時舉孝廉方正亦由進士
李名揚倡始而具稟請申詳者則副貢陳志實舉人
范執中廩生杜菊也

牛元禮字敬亭由副貢任蘭儀教諭蘭舊有陋規廩銀
俱歸學署本生絲毫不得領公爲革除宿弊頌聲作
焉子書秀孫鳳樓俱庠生書香甚爲綿遠

王子元增廣生狀貌魁梧性情耿直因賑饑而輸粟爲
開路而傾囊教養後生尤務敦實學易簣後舉人劉
乙山爲之贊拔貢常夢 爲之銘見重於士林如此

莫夢鈞字伯雅年少登科隨父侍郎公入都授內閣中書能識忠奸辨去就同鄉諸前輩咸加敬重惜未展所學而卒

彭友芝桃花人耕讀傳家六世同居鄰里榮之

常裕字元安事繼母優於養處昆季無所爭尤輕財好義貧病者多蒙賑卹之恩

李葆泰字子安家纂貧晝耕夜讀衣不解帶者十餘年乾隆辛卯登賢書歷任祥符新蔡內鄉洛陽等縣教諭服御質樸儉以助廉子公式公萼公度俱列膠庠

盧氏縣誌

卷之八

人物

三十六

爲一時名士

劉寶麟字玉亭孝友過人讀書至老不倦任新安教諭數載非分之財毫不染指所著有玉亭雜俎待梓

郭延壽字南齡任陝西蒲城縣典史勤於吏治澤及窮黎尋丁內艱徒步旋里百姓遮道送之居廬守制哀毀異常服闋後將復出以展所學不幸遇疾而歿

黃克泰性喜爲善念路出山巔往來行人多病渴日具清水一盂數十年未嘗有間又嘗周恤鄰里助人婚嫁之資無吝色亦無德色也後以孫元吉貴 誥贈

通奉大夫人咸以爲積善之報云

常芸經字心田天性孝友好學不倦所著有學庸舉隅

書待梓以歲薦授衛輝府學訓導未仕而卒

常問孝忠厚傳家一門雍睦卒享五世同堂之樂

王 階字淮陽歲貢生父舉杰博學工書數奇不遇改

習騎射入武庠設教城中大家文多加詳批爲後進

指南淮陽承庭訓號通儒教人尤以德行爲先生平

方正自持邑令宋屢請不往慨然曰淮陽視吾門猶

徑耳表其閭曰品學兼優子洛學道光丁酉舉人家

盧氏縣誌

卷之八

人物

三十七

學淵源至今士子猶思之

常道昇字景實嘉慶丁卯科房薦擬元主司亦擊節贊

賞嗣因未寫漆註塗改等字竟以失規被黜後任澠

池孟縣等處教諭嚴立課程及門能遵循規矩多成

名者

靳 鵬邑增生才力過人文宗先正每成一藝士林競

相傳寫有洛陽紙貴之風

張仲修字德亭邑廩生天文地理無不貫通嘗手製渾

天儀精巧絕倫又著有水道詳解及地輿圖考兩編

居鄉以德持己以禮接人士子雖未嘗及門遇之輒
娓娓講論不能輟族弟舉人大年進士王公定菴編
修李公惺園其學問淵源均於先生有得力云

郭泰昌字舒然事繼慈如生母有堂弟物化憫其婦孀
子幼極力保全不言功少業儒進侑生兩次中年習
射入武庠術精岐黃醫病又屢施藥餌享年七十有
八邑令以文經武緯表其門

莫夢齡字仲錫宦濟上十有三載創建傅家祠單牖以
引湖水又創建三合土壩改戴村民塚爲官隄職是

盧氏縣誌

卷之八

人物

三十八

數州縣咸安衽席既免衝決之患兼省修防之資而
且陰受魚米之利曾兩權觀察事適張秋黃水串運
晝夜督籌居民賴以無恐又籌備剝運緩急以時機
宜悉協他如捐俸錢籌別款爲任城書院生徒膏火
之資勤政愛民謳歌遍野因於南旺廟僧寮之旁建
祠奉祀至今香火不絕德政碑存焉

常振綱字憤園道光乙酉亞元端方正直學問宏博孝
事叔母無異所生尤爲一鄉所感佩

李青藜字乙然舉止端方輕薄少年多敬畏之不敢近

而書理一經講解則八面玲瓏雖庸才亦能啟其悟
門下舉貢廩增數十人又通方脈醫人未嘗受謝邑
先達均以品學兼優推之

劉 吉太學生本族有貧乏者每口給稞租五斗曰此
可足半年之食餘須聽其自謀庶免恣意養安流爲
蕩子十二歲以上未婚者加倍着留爲納婦之資而
錢糧皆已身墊完不令族人受累子乾元邑庠生承
父志亦能賑濟貧困有孟嘗君焚券之風

賈庭梓字子材邑庠生多聞識能文章每一藝成風流

盧氏縣誌

卷之八

人物

三十九

自喜邑中高材捷足多從而受業於其門

石砥柱邑庠生敦孝友重交游有禹州劉生流寓至盧
公以已館讓之年餘病故旅櫬無歸刃出貲爲斂葬

長孫耀光亦能修祠宇置義墳爲後嗣繁昌之計

郭 岱字位東天資卓越尤長於唐宋八大家體裁樂
育人材邑中知名士皆歸之脩金不計多寡有餘貲
則分給族中貧乏無自私之意

侯文魁例貢生子安邦衛千總夏月爲拾麥人遍給湯
餅清明日爲地內無主墳墓各奠酒漿兩世如一俱

年逾九十而終

王冰壺邑庠生講解文法書理當時登科第者多歎服以爲不及而謙謙君子終未嘗以自矜焉

王河清太學生族弟希紱由舉人大挑一等簽掣陝西苦無資斧公助以多金終不責償亦義士也

劉聲遠年八十餘見報施殿傾頽東川路險阻曰吾老矣不以此時爲之他日恐無及也因獨力重修命子象坤督工費錢數百緡范里人爲刊石誌其事

莫夢颺太學生修家廟義學鄉黨稱爲有用之士

盧氏縣誌

卷之八

人物

四十

駱志學例貢生少失怙王父患癱疾不脫冠帶而養數年如一日性尤喜讀書敦請名師課宗族子弟多成名者舍後山上有大樹一株被風吹折而公歿

郭 恕字如心例貢生幼失恃繼母馬氏賢而慈恕與妻李氏孺慕終身亦與所生無異也家風尤樂善好施族鄰賴贍濟者甚多馬氏享壽九十恕八十二李八十八子孫曾元列成均游泮水彬彬然稱望族焉楊萬春字壽亭一門孝友五世同居寬厚待人貧乏者

當蒙賑卹之澤

王卓然字定菴春闈報捷簽掣江南以盜賊縱橫隱居
不仕談經論道桃李滿門其天性樸誠居家孝友時
賢中尤多不能及

段培元邑庠生天性孝友身正家齊附近不肖之徒咸
以公聞名爲恥生平足跡所至人無老少罔不肅然
敬藹然親也弟鴻元庠生崇元增生俱行修言道鄉
黨重之

李青上字江峰增廣生性情端方博通經史彙集忠孝
節廉之事編爲詞歌令子弟童而習之以養其心有

盧氏縣誌

卷之八

人物

四十一

故實便授數卷待梓書畫尤工乞請者踵至公不屑
以此見長也後以子貴 贈文林郎

駱允中字心傳耕讀傳家一門孝友子孫曾元林立年
逾九旬邑令姚公表其廬曰五世同堂敬公又題跋
語以爲合邑有家者風

武重華邑耆儒儉以持身待人則甚豐厚每逢嘉平月
半聞有衣食不足者必周卹之後嗣之繁衍以此

茹朝昇太學生家計小康本不以筆耕糊口然性喜誘
掖後進講解未嘗憚煩先是百有餘年朱陽里無游

泮者至公勤於教讀始多上進之人而公子實爲開創且天性至孝善事寡母鄉黨尤稱道不衰

曹玉崑性至孝躬耕奉母而甘旨常供母病篤拜斗焚香祈以身代精誠所格母竟平復如常後公壽九旬無疾而終同家至七十餘口

趙懋德歲貢生嚴氣正性以身教人生徒朝夕與居未嘗見其有一時苟且

熊有光字耀庭天資穎異學有本源遊庠後設帳里門隨材施教門下多成名之士

盧氏縣誌

卷之八

人物

四十二

張建德字慎齋聰慧軼倫甚爲王淮陽先生所稱許里人有誤出其妻者公極力挽回始得合浦珠還未幾而舉弄璋之喜又邑中舊俗履頭多繡壽字公爲文以辨其非風俗因之一變至其精於醫術要症多編爲詞歌以標明治法人尤以三折肱稱之

秦統西字定一持已方正與人寬和嘗施地以理暴骨子孫曾元俱以耕讀傳家入庠食餼者輩出人以為積德之報云

石芸臺歲貢生行芳志潔更優於解經爲士林所景仰

賓先捐州同後以子貴 贈修職郎

郭 岷字江源己未 恩科經魁才優學博內直外方
遊其門者累登科第他若修城工辦軍需襄賑務尤
能各事認真減除浮費撫憲錢保舉以知縣用

駱雲漢字翔衢能敦本睦族昆季十餘家關注無門戶
之別尤輕財好義凡邑中公務未嘗有觀望周章致
落人後者撫憲錢保舉州同職

郭檢身邑庠生童時拾白金百餘兩出帖曉示失主後
某携酒來願酬一半公卻之稱謝而去

盧氏縣誌

卷之八

人物

四十五

薛恒性歲貢生嚴以持已寬以教人不愧一鄉坊表
李成蹊邑廩生言行不苟學問從績密中涵養而出不
專靠文藝了事門下登科入泮者數人

王耀宗千總職天性至孝年逾五十孺慕之意不少衰
母祁氏喜施與公善推親意族黨多蒙贍濟之恩

張廷舉從九職因辦公勤慎保舉以巡檢用生平重詩
書敦孝友遇端人正士尤諄諄訓誨諸子奉爲儀型
常寅章從九職與庠生段鴻元監生吳啟元督修城工
立基固而耗財少辦公實爲一邑之冠

趙明德字俊臣積學未售而工於課幼二子入膠庠爲
邑中名士其孝友之誠亦有加人一等者

劉震元字定齋同知銜生平設義學施義田焚券捨衣
指不勝屈光緒一二年間乞兒動至千百逐日親身
開發未嘗憚煩至歲遭大侵捐賑錢八百仟文又施
席雇人座道殣四百有奇經正書院工竣捐千金助
膏火之資他若三門一帶冬月行旅病涉舍稞租以
造橋梁同治元年賊營逃出難民量道路以給資斧
種種善舉確有可憑詳誌之以爲一邑風

盧氏縣誌

卷之八

人物

四十六

趙秉策孝友克敦樂善好施里人咸敬重之

賀克敬邑庠生避亂遇賊諭以大義賊帖然心服豎旗
於門令曰毋警賀先生家口盛德之所感何如耶

王希綬歲貢生學問淵博十三經月溫一週至老不倦
門下多成名之士同治壬戌年九十七矣避亂遇賊
同行者多被戕見公獨肅然起敬且以飲食饋之

張安邦字靖軒以子貴 贈文林郎孝慈友恭一鄉推
重歲壬戌至南山避賊爲土寇所劫身被重傷弟安
民以救兄隕命賊懼公猶生率衆又至公佯死挺卧

密喚家人環哭賊乃引散傷愈鳴於官卒令大寃克
伸兇人授首其老成持重遇變能保身有如此

劉維宇邑儒童壬戌被擄賊令書旗曰奉天宇書曰奉
天賊怒將殺之有緩頰者始得免夜夢 關帝謂曰
可以去矣次日果得逃出

王懷本欒川民繼母弟懷固甫十歲爲捻匪擄去懷本
懼貽親憂潛往找尋至賊營深處兄弟相逢涕泣懇
求賊許以金贖之後因償債產落毫無怨言析居時
尤厚讓焉

盧氏縣誌

卷之八

人物

四十七

國朝遇難不屈之士

朱義配欒川人勇武絕倫齊二寡婦重其名欲降之公
笑曰鼠輩乃欲我妄爲耶挺身孤往擊殺數十人賊
以精騎圍裏愈殺愈多公戰久力疲卒無降意遂仰
卧聽其支解而死

以下俱嘉慶二年三月事

趙熙玉及弟熙法熙魁因父死未殮恐賊燒屋焚屍糾
衆抗拒俱被殺妻李氏及二弟婦俱守節以終

常志道張村人授徒叫河鎮賊勒之降大罵不屈死與
朱義配同祀陝州昭忠祠

賀 銓朱陽關人楚匪至率鄉勇守清官嶺隘口戰敗
被 子文生堯臣奮不顧身爲父報仇亦遇害祀陝

州昭忠祠

以下俱嘉慶三年臘月事

樊第發雙槲樹民賊至不去欲以理爭賊引刀刺其喉

大罵而死

宋建中橋梓村人罵賊不屈遂遇害 旌入忠義祠

莫伊萃率鄉勇擊賊以衆寡不敵被戕

傅玉鼎字瑞甫從九品性情剛直狀貌魁梧邑令黃派

充團總崔狗娃寇樂川因衆寡不敵戰歿奉

盧氏縣誌

卷之八

人物

四十八

旨給雲騎尉世職襲次完時給予恩騎尉世襲罔替並給

卹銀一百兩從祀陝州昭忠祠

以下俱咸豐七年五月事

楊保全孫六泰任喜姬成范永貴李永智俱從傅玉鼎

陣亡各給卹銀十二兩五錢

白錫勝百爐溝民母徐氏年幼孀居撫勝成立隨傅玉

鼎擊賊同時被殺留母孤苦無依幸姊夫申允升念

母守節子死義代養二十七載無失禮焉

薛國榮邑庠生粵匪至沙窩川欲降之榮罵不絕口賊

斷其左臂與鄰人劉貢同時死

以下俱同治元年四月事

賈建基竹園村民父監生天福年七十有八賊至基負之而逃俱被殺

周之冕邑宿儒明季殉難廩生新命之後裔也避亂南山被賊逼脅至城中公罵不絕口賊以爲義士不忍殺之投井死

杜玉清城內人與兄廩生玉振奉母避亂南山中玉清謂兄曰汝負母先行我以身當賊少頃賊至相與鬪良久兄母幸得脫賊益衆遂被戕

李正統張家灣人罵賊不屈死

盧氏縣誌

卷之八

人物

四十九

李葆希邑儒童被賊逼脅至三門後堅不肯行因遇害甯步鰲亦張家灣人習拳棒有膂力自崖穴下與賊鬪寡不敵衆被賊寸磔而死

劉玉麟范里民在南山遇賊不忍舍母獨去力鬪死弟瑞麟亦同時殞命

武銘山龍頂村民奉祖避難賊至不忍相離俱被殺徐餘歡樂川民罵賊被斫登時氣絕鄰遠謹禮力鬪死張中林張壬午寺峪民皖匪由靈入盧林等與鬪屢挫賊鋒賊銜之鳩黨大至俱遇害鄰人李萬福亦以併

傅全興王村人匿石穴中發礮擊賊首不中賊攻穴益急興曰不可令賊刃污吾頸也投崖死妻史氏殉焉雷中書雷中泰張村人避賊崖洞中見賊破鄰家洞悉遣子夜遁曰事急矣不可使雷氏無遺種家屬悉委我母爲賊得也次日賊大至乃各手刃其妻女及子婦而出與賊鬪皆死焉張廷澍蒲峪河人逃難石洞中賊置雲梯入洞逼之降不從賊以蘆席捲之置火上至死罵不絕口

劉萬貞劉家村人提刀欲取賊魁羣賊環繞刺殺之

盧氏縣誌

卷之八

人物

五十一

趙元慶東營村民賊欲傷其母元慶痛哭流涕請以身代賊果殺之而赦其母以去

常勵邑庠生捻匪由南召至欒川欲降之勵罵不絕

口遂被殺

以下俱同治三年二月事

李永濬太學生負母呂氏逃難被賊斷喉而死

常夢颺太學生在欒川遇賊賊聞其善醫勸之降公佯許之暗引矛刺賊遂被戕從祀忠義祠

常愿欒川民子明善復善年少多才賊欲携去愿曰身可殺志不可降也遂俱慘死從祀忠義祠

李士華邑儒童應試屢列前茅聞兄士德爲賊傷荷戈
奮往罵不絕口惜一木難支力鬪死

徐吉昌樂川民痛元年四月其父餘歡死於髮逆捻匪
至罵且鬪又被傷

常顯章太學生在葛半溝與賊鬪有李丕績賈玉順常
思勵常思盛四人同時死

李南英副貢生博極羣書未嘗片紙入衙教授生徒門
下多成名之士

呼延興太學生以勤儉起家而待人寬厚有焚券之風

盧氏縣誌

卷之八

人物

五十二

子孫蕃昌書香不絕

陳含忠恩貢生性情寬厚言呐呐不出而胸有涇渭於
匪僻之徒未嘗假以辭色

楊生華太學生卜箱峪渡口造般科派甚多公倡議減
除浮費里民便之

熙朝人瑞

甯 斌黃家村民按舊誌年九十五歲尚能耰田舂米
浩飲狂歌曾被皇恩給賜粟布

莫繼清西山里民壽一百零五歲

高居州住慶家溝壽九十七歲五世同堂家屬七十餘

口

王廷仁陶灣北溝人現年一百零一歲筋力强健尚能

植杖芸田不少息

莫舒泰邑宿儒現年八十有八胞弟增生景虞亦盲壽

八十有五邑人以爲不愧爲競爽云

